

gehalten würden, daß dann nit sein soll, so haben alsdann obgerürt unser gnädig herrschaften vollmacht und gwalt und ainen jeden diser gesetzten artikel übertretter umb zwen gulden zu strafen und sollich buß und straff göttlich mitainander zu theilen.

5 Doch wellen wir hierin andern verträgen so bevor sein bayder unser gnädig herrschaften nichts genommen noch geben haben, sonder dieselbigen in allen kröften, artikeln und puncten nach vermög und inhalt zu bleiben, ußgenommen was diser brief vermag, demselbigen trulichen nachzukommen on alß gefär. Zu urkund

10 haben wir gebetten und erbetten die edlen und vesten obgedachte unser gnädig junkherrn Wolfen von Rechberg und Wilhelmen von Degenfeld, daß ain yeder sein aigne angeborn ensigel doch inen und iren erben one schadlich an disem briefe der zwen gleichlauten gegeben sein gehenkt und getruckt hat. Uff Sant Mar-

15 gretten der hailigen junkfrowen und merterintag nach der geburt Christi unsers lieben Hern 1532.